



Na osnovu čl. 8. i 16. stav (3) Zakona o radu u institucijama Bosne i Hercegovine („Službeni glasnik BiH“, broj 26/04, 7/05, 48/05, 60/10 i 32/13) i Pravilnika o unutrašnjoj organizaciji i sistematizaciji Konkurencijskog vijeća broj: 01-01-26-050-I/07, od 04.01.2007. godine, Konkurencijsko vijeće Bosne i Hercegovine, raspisuje

JAVNI OGLAS
za popunjavanje radnog mjesta zaposlenika na određeno vrijeme

1/01 Viši stručni saradnik za finansijske poslove

jedan (1) izvršilac

Opis poslova:

Obavlja računovodstveno-finansijske poslove u vezi izrade prednacrt, nacrt budžeta i ostalih finansijskih dokumenata, obračun, unos i isplatu plaća i ostalih naknada, nabavku roba i usluga, izradu finansijskih izvještaja, pripremanje informacija i drugih analitičkih i informativnih materijala, vodi odgovarajuću knjigovodstvenu i materijalnu dokumentaciju, obavlja i druge računovodstveno-finansijske i materijalne poslove, te poslove po nalogu Predsjednika Konkurencijskog vijeća. Za svoj rad odgovara Predsjedniku Konkurencijskog vijeća.

Uslovi za obavljanje poslova:

Pored općih uslova propisanih članom 10. Zakona o radu u institucijama Bosne i Hercegovine (navršenih 18 godina, državljanstvo BiH, da protiv kandidata nije pokrenut krivični postupak za krivično djelo za koje je predviđena kazna zatvora tri ili više godina ili da mu nije izrečena zatvorska kazna za krivično djelo učinjeno s umišljajem, da nije obuhvaćen članom IX stav 1. Ustava BiH, da je fizički i psihički sposoban za obavljanje poslova radnog mjesta na koje se kandidat prijavio), viši stručni saradnik za finansijske poslove mora ispunjavati i slijedeće posebne uslove:

- a) VSS - ekonomski fakultet;
- b) najmanje 2 (dvije) godine radnog iskustva u struci;
- c) položen stručni upravni ispit;
- d) znanje engleskog jezika;
- e) poznavanje rada na računaru.

Broj izvršilaca : jedan (1) izvršilac

Status: zaposlenik na radnom mjestu višeg stručnog saradnika za finansijske poslove

Neto plaća: 1.117,87 KM

Potrebni dokumenti:

Kandidati su dužni da uz prijavu sa kratkom biografijom i ličnim podacima (uz obavezne podatke za kontakt) dostave ovjerene kopije slijedećih dokumenata:

- fakultetske diplome (nostrifikovane diplome, ukoliko fakultet nije završen u BiH ili je diploma stečena u nekoj drugoj državi nakon 06.04.1992. godine) odnosno, za kandidate koji su visoko obrazovanje stekli po bolonjskom obrazovanju uz fakultetsku diplomu i dodatak diplomi;
- uvjerenja o državljanstvu, ne starije od 6 (šest) mjeseci;
- uvjerenja da se protiv kandidata ne vodi krivični postupak, ne starije od 3 (tri) mjeseca,
- uvjerenja o položenom stručnom upravnom ispitu, odnosno uvjerenje o položenom javnom ispitu,
- dokaza da kandidat nije obuhvaćen odredbom člana IX stav 1. Ustava Bosne i Hercegovine, što se dokazuje izjavom lica (datom pod moralnom, materijalnom i krivičnom odgovornošću) ovjerenom kod nadležnog općinskog organa, po mjestu prebivališta, ne starije od 3 (tri) mjeseca;
- potvrde ili uvjerenja kao dokaz o traženom radnom iskustvu u struci;
- dokaza o traženom znanju engleskog jezika;
- dokaza o poznavanju rada na računaru;

Izabrani kandidat će biti dužan dostaviti ljekarsko uvjerenje o zdravstvenoj sposobnosti nakon što zaključi Ugovor o radu na određeno vrijeme.

Kandidat koji nema položen stručni upravni ispit dužan ga je položiti u roku od šest mjeseci od dana zaključivanja Ugovora o radu na određeno vrijeme.

Svi kandidati koji budu ispunjavali uslove podliježu provjeri znanja i stručne sposobnosti za obavljanje poslova radnog mjesta za koje je raspisan javni oglas, a koja će se izvršiti putem pisanog ispita i usmenog intervjua. O mjestu i datumu provjere znanja kandidati će biti blagovremeno obaviješteni.

Napomena: Kandidat za navedeno radno mjesto prima se na određeno vrijeme, do dvije godine, a najkasnije do povratka državnog službenika sa neplaćenog odsustva, u skladu sa članom 28a. Zakona o državnoj službi u institucijama BiH ("Službeni glasnik BiH", br. 19/02, 35/03, 4/04, 17/04, 26/04, 37/04, 48/05, 2/06, 32/07, 43/09, 8/10 i 40/12). Poslovi će se obavljati u sjedištu Konkurencijskog vijeća, ul. Radićeva br. 8/4, Sarajevo.

Sve tražene dokumente treba dostaviti najkasnije do 19.8.2014. godine, putem poštanske službe preporučeno na adresu:

**Konkurencijsko vijeće Bosne i Hercegovine,
Radićeva 8/4
71 000 Sarajevo,**

sa naznakom "Javni oglas za popunjavanje radnog mjesta zaposlenika"

Nepotpune, neblagovremene i neuredne prijave, kao i kopije tražene dokumentacije koje nisu ovjerene neće se uzimati u razmatranje.